

Zastara potraživanja naknada za komunalne usluge

PITANJE: Koji je rok zastara za potraživanja naknade za komunalne usluge samostalnim privrednicima?

ODGOVOR: Potraživanje naknade za izvršene komunalne usluge zastarjeva za jednu godinu kad je usluga izvršena za potrebe domaćinstava, a naknada za iste komunalne usluge kada se radi o privrednim subjektima, uključujući i stamostalne privrednike, zastarjeva za tri godine, jer se ovdje primjenjuju odredbe Zakona o obgpcionim odnosima („Službeni list RBiH”, br. 13/93, 29/93 i 13/94 i „Službene novine FBiH”, broj 29/03) koje utvrđuju potraživanja iz ugovora o prometu robe i usluga, a zastarjevanje teče odvojeno za svaku isporučenu uslugu.

Kraći rok zastarjelosti za usluge izvršene za potrebe domaćinstva je što se radi o uslugama koje teku kontinuirano, dospijevaju u mjesечnim ili drugim rokovima, pa je zbog pravne sigurnosti u prometu potrebno da ih povjerilac što prije naplati.

Domaćinstvu kao dužniku je u interesu da se ne mora u duljim rokovima opterećavati čuvanjem računa i drugih dokumenata od kojih većina ima karakter javne isprave.

Komunalne usluge su česte i mnogobrojne, pa bi bilo oteženo dokazivanje poslije dužeg vremena, pa i kada su blagovremeno isplaćene, te je navedeno razlog da je samo za usluge koje su izvršene za potrebe domaćinstva jednogodišnji rok zastarjelosti.

Mensur HADŽIMUSIĆ, dipl. pravnik